



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-015-4/24**  
Datum: **20.03.2024. godine**

«Agencija za vodno područje rijeke Save» Sarajevo rješavajući po zahtjevu Investitora «BH TELECOM» d.d. Sarajevo, Direkcija Tuzla, za izdavanje vodne dozvole za prelazak optičkog kabla preko rijeke Tinje na četiri lokaliteta na području općine Srebrenik, a za potrebe izgradnje pristupne telekomunikacione mreže FTTH Tinja, Grad Srebrenik, na osnovu člana 109. stav 1. tačka 10. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o vodnoj dozvoli**

1. Investitoru «BH TELECOM» d.d. Sarajevo, Direkciji Tuzla, daje se vodna dozvola za prelazak optičkog kabla preko rijeke Tinje na četiri lokaliteta na području općine Srebrenik, a za potrebe izgradnje pristupne telekomunikacione mreže FTTH Tinja, Grad Srebrenik, a u postupku pribavljanja upotrebne dozvole. Lokaliteti ukrštanja optičkog kabla sa rijekom Tinjom su:
  - preko mosta u Previlama na regionalnoj cesti R-456 (Previle - Jasenica),
  - preko mosta na lokalnoj saobraćajnici u naselju Brezje,
  - preko mosta na lokalnoj saobraćajnici u naselju Potpeć,
  - zračni prelaz na dionici OK 3.4.10.1
2. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na terenu, pod slijedećim uslovima:
  - 2.1. Da se trajno čuva sva raspoloživa investiciono tehnička dokumentacija koja je služila kao podloga za izdavanje ove vodne dozvole i da se na zahtjev nadležnih vodoprivrednih organa stavi na uvid.
  - 2.2. Da se kod nadležnog općinskog organa Grada Srebrenik provede postupak unošenja položaja kabla u katastar podzemnih instalacija.
  - 2.3. Da se redovno, nakon svih pojava velikih voda u vodotoku, vrši vizuelni pregled trase kablova na potezu koji prolazi ispod korita i u obalama rijeke Tinje, te da se u slučaju eventualne erozije obala i korita na ovom potezu izvrši adekvatna zaštita kabla u skladu sa tehničkim rješenjem odobrenim od strane ove Agencije.
3. Ukoliko zbog izgrađenog objekta dođe do promjene režima površinskih ili podzemnih voda i erozije obala i ta promjena prouzrokuje štete ma kakvog karaktera, Investitor je obavezan uzroke štete otkloniti a nastalu štetu nadoknaditi.
4. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama («Službene novine Federacije BiH» broj 70/06).
5. U periodu važenja ove dozvole, Investitor je dužan provoditi sve mjere i aktivnosti propisane istom.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

7. Ova vodna dozvola, shodno članu 117. stav 1. Zakona o vodama se daje sa rokom važenja od **15 (petnaest) godina** od dana izdavanja ovog rješenja, odnosno ova vodna dozvola vrijedi do 20.03.2039. godine.
8. Prije isteka važnosti ove dozvole, Investitor je dužan da zatraži njeno produženje ili podnese zahtjev za izdavanje nove vodne dozvole.

### Obrazloženje

Investitor, «BH TELECOM» d.d. Sarajevo, Direkcija Tuzla, obratio se ovoj Agenciji dana 12.01.2024. godine sa zahtjevom za izdavanje vodne dozvole za prelazak optičkog kabla preko rijeke Tinje na četiri lokaliteta na području općine Srebrenik, a u postupku pribavljanja upotrebne dozvole.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjereni kopija Rješenja o izmjenama podataka o upisu u sudski registar subjekta upisa broj: 065-0-RegZ-23-013252 od 01.12.2023. godine, izdatog od strane Općinskog suda u Sarajevu,
- Kopija Uvjerjenja o poreskoj registraciji, izdatog od strane Porezne uprave – Kantonalni porezni ured Sarajevo od 26.07.2011. godine,
- Kopija Rješenja o odobrenju za građenje, broj: 12-04/1-19-027514/20 od 11.20.2020. godine, donesenog od strane Ministarstva prostornog uređenja i zaštite okolice grada Tuzle,
- Glavni projekat – vodoprivredna problematika – izgradnja pristupne telekomunikacione mreže FTTH Tinja, urađenog od strane „PGP HIDROINŽENJERING“ d.o.o. Tuzla, Juni 2020. godine,
- Dokaz o uplaćenju upravnoj pristojbi.0

Nakon izvršenog uvida u dostavljeni zahtjev i priloženu dokumentaciju utvrđeno je da su iz zahtjeva dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak proizvodnog kompleksa i tom prilikom sačinjen je zapisnik o uvidaju broj: UP-1/21-3-40-015-4/24 od 08.03.2024. godine.

U toku uvida utvrđeno je sljedeće:

Na području Grada Srebrenik za potrebe izgradnje pristupne telekomunikacione mreže FTTH Tinja, završeni su radovi na polaganju optičkog kabla preko rijeke Tinje na četiri lokaliteta i to:

- preko mosta u Previlama na regionalnoj cesti R-456 (Previle - Jasenica),
- preko mosta na lokalnoj saobraćajnici u naselju Brezje,
- preko mosta na lokalnoj saobraćajnici u naselju Potpeć,
- zračni prelaz na dionici OK 3.4.10.1, a na osnovu projektne dokumentacije,

Svi prelazi urađeni su u skladu sa projektnom dokumentacijom,

Glavni projekat – vodoprivredna problematika – izgradnja pristupne telekomunikacione mreže FTTH Tinja, urađenog od strane „PGP HIDROINŽENJERING“ d.o.o. Tuzla, Juni 2020. godine.

Radovi na polaganju kabla na mjestima ukrštanja sa rijekom Tinjom izvedeni su prema projektnoj dokumentaciji na osnovu koje je od strane ove Agencije izdato Rješenje o vodnoj saglasnosti.

Na osnovu provedenog postupka konstatuje se da je podnosilac zahtjeva, ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama te je shodno

članu 139. stav 1. tačka 10. Zakona o vodama i članu 16. stav (2) Pravilnika o sadržaju, obliku i uvjetima i načinu izdavanja i čuvanja vodnih akata, riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH”, broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

#### **Prilog:**

- Glavni projekat – vodoprivredna problematika – izgradnja pristupne telekomunikacione mreže FTTH Tinja, urađenog od strane „PGP HIDROINŽENJERING” d.o.o. Tuzla, Juni 2020. godine.

**Po ovlaštenju**  
**Rukovodilac sektora za izdavanje vodnih akata**



**Haris Ališehović, dipl.ing.građ.**

#### **Dostaviti:**

- „BH TELECOM” d.d. Sarajevo – Podružnica Tuzla, ul. Aleja Alije Izetbegovića , 75000 Tuzla (sa prilogom)
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava